



Broj: 01-11-2-43-10/24  
Datum: 13.02.2024. godine

Na osnovu člana 100. stav 1 i 3, a u vezi sa članom 69. stav 1. pod b) i stav 2. pod d) i člana 70. stav 1. i 4. Zakona o javnim nabavkama („Službene novine BiH“, broj: 39/14 i 59/22), člana 14. i 14a. Statuta Službe za zapošljavanje SBK/KSB ( „Službene novine KSB/SBK“, broj: 05/02, 03/05, 09/13, 14/15, 3/17, 12/18, 02/21, 03/22 i 08/22), direktor uz saglasnost zamjenika ravnatelja donosi:

## **ODLUKU**

### **o usvajanju žalbe i poništenju postupka javne nabavke**

#### **Član 1.**

Žalba „Triglav osiguranja“ d.d. podružnica Travnik, broj: 01-207/2024 od 07.02.2024. godine, usvaja se u cjelosti i poništava se postupak javne nabavke za uslugu kolektivnog kombiniranog osiguranja radnika Službe za zapošljavanje SBK/KSB u skladu sa članom 69. stav 1. pod b) i stav 2. pod d) iz razloga što nijedna od zaprimljenih ponuda nije prihvatljiva.

#### **Član 2.**

Ova odluka objavit će se na web-stranici Službe, [www.szzksbsbk.com.ba](http://www.szzksbsbk.com.ba), te će se uputiti svim strankama u postupku (ponuđačima) što je u skladu sa članom 70. stav 6. Zakona o javnim nabavkama („Službene novine BiH“, broj: 39/14 i 59/22).

#### **Član 3.**

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke kako je to i propisano članom 71. stav 1. Zakona o javnim nabavkama ( „Službene novine BiH“, broj: 39/14 i 59/22).

#### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-11-2-43/24 od 10.01.2024. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a je 8.540,00 KM.

Komisija za javne nabavke imenovana je Odlukom broj: 01-11-2-2345/22 od 22.12.2022. godine.

Komisija za javne nabavke je konstantovala:

- da je obavijest o nabavci broj: 878-7-2-1-3-2/24 objavljena i preuzeta sa Portala javnih nabavki dana 12.01.2024. godine,
- da je 06.02.2024. godine dostavljen zahtjev od strane ponuđača „Triglav osiguranje“ d.d. podružnica Travnik za uvid u ponude po tenderskoj dokumentaciji broj: 01-11-2-43/24,
- da je dana 08.02.2024. godine zaprimljena je žalba na Odluku o izboru od strane žalitelja „Triglav osiguranja“ d.d. podružnica Travnik, zastupanog po regionalnom direktoru Osmanbašić Emiru,
- dana 09.02.2024. godine, Služba za zapošljavanje SBK/KSB objavila je na Portalu javnih nabavki da je zaprimila žalbu za navedeni postupak;



Ugovorni organ je utvrdio da je žalba je blagovremena, dopuštena i izjavljena od ovlaštenog lica koje ima aktivnu legitimaciju i odlučeno je postupiti na osnovu člana 100. stav 1. i 3. Zakona o javnim nabavkama („Službene novine BiH“, broj: 39/14 i 59/22) i poništiti postupak javne nabavke za uslugu kolektivno kombinirano osiguranje radnika, ugovornog tijela Službe za zapošljavanje SBK/KSB u cjelosti.

- u navodima žalbe žalitelj „Triglav osiguranje“ d.d. podružnica Travnik navodi sljedeće:


- da je ugovorni organ u Obrascu za cijenu ponude pod tačkom 7. naveo da se svi potencijalni ponuđači obavezuju da u sklopu svoje ponude dostave odgovarajuće uslove osiguranja za sve ponuđene rizike uz saglasnost nadležne Agencije za nadzor osiguranja. Uvidom u ponudu izabranog ponuđača „Asa central osiguranje“ d.d. utvrđeno je da u sklopu ponude nisu dostavljeni svi potrebni uslovi traženi Obrascem za cijenu ponude, odnosno tenderskom dokumentacijom i to: osiguranje teških bolesti i osiguranje hirurških intervencija.
- U Obrascu za cijenu ponude pod tačkom 6. su nabrojane sve teške bolesti koje su predmet osiguranja prema tenderskoj dokumentaciji. Uvidom u ponudu drugorangiranog ponuđača „Sarajevo osiguranje“ d.d. utvrđeno je da nisu u pokriću sve tražene bolesti tenderskom dokumentacijom i to: bakterijski meningitis, encefalitis, koma i transplatacija organa, dobroćudni tumor mozga, hronično oboljenje pluća, teža oboljenja žlijezda sa unutrašnjim lučenjem, maligni tumor kože – melanom.


Cjeneći žalbene navode, ugovorni organ je utvrdio da Zakon o javnim nabavkama („Službene novine BiH“, broj: 39/14 i 59/22) članom 69. stav 1. pod b) i stav 2 pod d) propisuje da dostavljene ponude nisu prihvatljive, iz razloga što nije dostavljena propisana dokumentacija tražena tenderskom dokumentacijom i dana 13.02.2024. godine stavio van snage Zapisnik o ocjeni ponuda broj: 01-11-2-43-7/24 od 24.01.2024. godine i Odluku o izboru najpovoljnijeg ponuditelja usluge kolektivnog kombiniranog osiguranja radnika za potrebe Službe za zapošljavanje SBK/KSB broj: 01-11-2-43-9/24 od 30.01.2024. godine, te u vezi sa članom 100. stav 3. istog zakona poništio Tendersku dokumentaciju u postupku usluge kolektivnog kombiniranog osiguranja radnika za potrebe Službe za zapošljavanje SBK/KSB zajedno sa Obavijesti o nabavi broj: 878-7-2-1-3-2/24 od 12.01.2024. godine.

U skladu sa svim gore navedenim, odlučeno je kao u dispozitivu.

#### **Pouka o pravnom lijeku:**

Na osnovu člana 100. stav 4. Zakona o javnim nabavkama („Službene novine BiH“, broj 39/14 i 59/22) , protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama BiH.

zamjenik ravnatelja  
  
Marirko Krajina, dipl.ing.

direktor  
  
Željko Lončar, dipl.oec.

